



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 25

Ramhlun North: Ni 20 June, 2026

BRANCH THU

YMA Day puala chibai bukna vengchhung mi 23 hnenah ₹ 3000/- theuh, a vaiin ₹ 69,000/- semchhuah a ni.

YMA Day denchhena ni 15.06.2026 (Thawhtanni) zing hnatlang ah Section hrang hrang atanga thawkchhuak mi 643 lai kan tling thei a, hei hi kan veng hnatlang ah chuan kan la thawhchhuah tam ber tum a ni hial ang, thil lawmawm tak a ni.

Ramhlun North Electrician Association chuan Ramhlun North Thlanmual, Zemabawk ah inthlanna neih pahin thlan thlan lai hnatlang an nei.

SECTION THU

Neuva Section: Kar leh hun remchang ah Champion lawm dan tur ngaihtuahin committee thutkhawm neih tum a ni a, member-ten hun remchang lo insiam nise.

Vanapa Section: Kar leh ni 23.06.2029 (Thawhlehi) zan hian Committee neih tum a ni a, member ten hun remchang lo insiam nise.

SUB-COMMITTEE THU

Library sub-committee: June ni 6, 2026 khan Pu Lalrammawia Ngente, Book of the year 2025 ziaktu chu Meet the Author a sawm niin, a hnen atangin Kham leh Suar, copy khat an dawng a. June 13, 2026 khan Pi Rinsangi, N-Sec. hnen atangin sweet leina tur an dawng bawk a. Tin, Tv. Lalramngheta Ngente, C-Sec. hnen atangin lehkhahu pahni an dawn bakah Pu Malsawmzuala (Malsawm Electricals), V-Sec. hnen atangin Wall Fan, Library-a dah tur an dawng bawk a ni.

Thilpek petute chungah lawmthu an sawi e.

- Library duty turte:**
1. Lalrinawma, N-Sec.
 2. Vanlalhruaii, N-Sec.
 3. Lalrinsiami, N-Sec.
 4. Lalbiakhlui, K-Sec.
 5. Nancy Zonunthari, K-Sec.
 6. Lalnunfeli, K-Sec.

YMA DAY ROPUI TAKA HMAN A NI (Neuva Section-ten Pakhatna lawmman an la)

Ramhlun North, the 20th June, 2026: Ramhlun North Branch YMA in kumin YMA Day lawmman hun a buatsaih chu ni 15.06.2026 (Thawhtanni) zan khan ropui taka khar a ni. YMA Day lawmman hi June ni 12, (Zirtawpni) zan khawharin ban atangin Futsal inelna hmanga tan a ni a. Ni 15.06.2026 (Thawhtanni), YMA Day zing dar 7:00 ah veng chhung thenfai hnatlang a chhuzawm leh niin hemi zan hian RSC Field-ah a kharna leh lawmman semna hun ropui leh hlimawm tak hman a ni. He hunah hian Beat Contest inelna neih a nih zawhin lawmman semna neih a ni a. Tin, kan mi sawm zaithiam, Bzi Tochhawng hnen atangin zai mawi tak ngaihtlak a ni a, a khar nan Mood Station (Ramhlun North Tuipui Fawn) te nen ‘Sapatal’ chhuzawm a ni a, YMA Day chu ropui taka khar a ni.

He hunah hian Section inelna hrang hrang lawmman sem niin Neuva Section ten pakhatna dinhmun an hauh a, pahniha hi Tatesena Section niin pathumna chu Vanapa Section te an ni. Chawngbawla Section, Khuangchera

Section leh Saizahawla Section ten palina dinhmun an hauh a ni. Futsal ah Best player, Tv. Vanlalmawia, N-Sec, Best goalkeeper ah Tv. Lalrinliana, T-Sec. niin Top scorer ah Tv. Dominic Lalmanpuia, T-Sec. chu thlan an ni. Hemi zan hian mizo thuam inhmeh ber thlan a ni a, mipa ah Tv. Lalnunpuia Lungchuang, T-Sec. leh hmeichhia ah Ni. R. Lalhmangaihsangi, T-Sec. te thlan an ni.

He hun hlimawm leh chhinchhia tlak tak tiropuitu, lawmman min tum saktute: Pi Nuzawni te chhungkua, C-Sec. in an fapa Dr. G. Lalthianghlina (Fam) hriatreng nan Beat Contest lawmman (Combo) tha tak mai te, Pu K. Lalnithanga, C-Sec. ten an fapa Paul Lalthawmmawia (Fam) hriatreng nan Futsal lawmman (Pedestal Fan) te, Pu Malsawmthara, K-Sec. hnen atangin Article inziahsiak lawmman, (Brite Bucket) te kan dawng a. Tv. Joseph Lalrinawma, C-Sec. in Mizo thuam inhmeh ber lawmman (thi hna leh Iptepui) te, Ni. JS Tharmawii, C-Sec. in Futsal mimal lawmman hrang hrang, Mizo thuam inhmeh ber leh Beat Contest memento-te an rawn tum bawk a ni. Tin, a pumpui lawmman atan Gas thuk (20 inch) tha tak paruk lai mai, Rev. C. Biakmawia te chhungkua, T-Sec. hnen atangin an fapa C. Vanlalana (Fam) hriatreng nan an rawn tum bawk a ni.

Heng bakah hian hmanraw pawimawh tak tak phal taka min hman tir tute: Pu Roberta Tlau (Mark Advertising) hnen atangin stage hulhiap, Pu Robert Lalhmingthanga, S-Sec. (TIMA Renthlei Industry) hnen atangin Generator bakah Pu Lalhriatpuia, V-Sec. (Aizawl DC) hnen atangin Silpaulin 20 lai kan dawng bawk a ni. Ramhlun North Branch KTP in man awm mang loin Stage structure min hmantir a, a remkhawm leh thiah thlengin an buaipui vek bawk a ni. Tin, Pu Ruatvela, C-Sec. chuan thingpui leh sawhchhiar siamna atan a in leh vel phal takin min hmantir a, Tv. H. Lalnunpuia, C-Sec. chuan stage mawi tak kan neih theih nan decoration plant min rawn hun sak bawk a ni. Thilpek petute leh bungrua min hawhtirtu zawng zawng te chungah RNYMA chuan thinlung takin lawmthu a sawi a ni.

Section Inelna dinhmun			
Item	1st	2nd	3rd
Futsal	Taitesena	Neuva	Vanapa
Beat Contest	Vanapa	Taitesena	Khuangchera
Article	C. Lalrinluanga,	B. Malsawmpuia,	C. Lalbiaknunga,
Inziahsiak	C-Sec.	S-Sec.	C-Sec.
Attendance	Neuva	Taitesena	Chawnbawla



CHAMPION: NEUVA SECTION





YMA DAY LAWMNA HIAN RAH THA CHHUAHNGEI SELA

YMA Day vawi 91-na chu hlim tak leh hlawhtling takin kan hmang zo leh ta a. Kuminah hian Section hrang hrangte intihsiakna hmuhawm leh felfai tak kan nei a, he hun hian khawtlang min ti phuisui hle a ni. Intihsiakna hian chak bik leh pakhatna nih tumna thinlung min pe mah se, kan thupui ber leh kan thlen chin erawh intihsiakna hlawhtlinna ringawt kha a ni lo va, Section hrang hrangte inlungualna leh inpumkhatna zawk kha a ni.

YMA din chhan leh a tum - Hun awl hman that, Zofate hmasawmna ngaihtuah, leh Kristian nun dan tha ngaihsan te hi a takin nunpui zel turin tan la thar ila. He hun duhawm kan hman zawh chiah hian khawtlang inlungualna thar leh inhmangaihna thar min pe ngei se tih hi kan duhthusam a ni. Intihsiakna boruak avanga thahnemngaihna thinlung kan neih kha khawtlang tan hlan chhonzawm ila.

A bikin, chhiatni bikah hian kan inlungualna leh thawhho thiamna hi a langsar thin a, hei aia nasa zawk hian kan inlungualna hian zung lo kai sela. YMA Day kan hman zawh tak khan midangte tana luanchhuah duhna, chhiatni a tel tam duhna, leh mahni aia midang dah hmasak duhna rilru keimahni theuh ah alo par chhuah ngei kan beisei tlat a ni.

Khawtlang nun hmasawmna hrang hrangah hian mimal thatna hian hna thawk ve thin mah se, inlungualna a telloh chuan a nghet tak tak thei thin lo. Chuvangin, YMA Day kan hman zawh tak hian inlungualna tha zawk leh zung nghet zawk min kaih sak se, tlawmngaihna thupui thar nen khawtlang hmakhua i thlir tlang ang u. Kan inelna hrang hrang ten rah tha tak a chhuah ngei beisei ila, kan inpumkhatna boruak hian hmel thar duhawm tak rawn lantir ngei se. YMA hi mimal tana zalenna hmun mai ni loin, khawtlang inlungualna bulpui ber a ni tih i hre reng ang u.



KHAWTHLIR

LALMÂNGA NU LÂWM RAWIH NI (Kum khat chhunga ni rei ber ni).

June ni 21 hi khawvel hmar lam (northern hemisphere) ah chuan ni rei ni ber a ni a. Mizote hriat danah chuan "Lalmânga nu lâwm rawih ni" tih a ni a; mahse, mi thenkhat erawh chuan "Lalmânga nu hlawh rawih ni" tih te pawn an sawi, a ni âwm e. A sap tawng erawh chuan "Summer Solstice" an ti thin. He ni hian Arctic Circle (66degree 5 mins North) atânga hmar lamah chuan darkar 24 chhung chu kha a êng a ni.

Hmanlai kan pi pute kha hnam mawl tak ni chung si a, astronomy leh geography a finna thuk tak mai an lo nei a. He Summer Solstice hi ni rei ni ber a ni, tih an hre thei tlat mai kha a mak hle a ni. Sana an nei si lo, engtin nge ni rei zawng an hriat thei tih hi zawhna chhan har tak a ni âwm e. A fing fal deuh, Lalmânga nu te chuan lawm rawih nan an hman that avângin, tûn thlengin "Lalmânga nu lawm rawih ni" kan tih phah hi khawlaia a dawhkih vih bûr atângin a hre thei a ni âwm e. Chutichuan, hemi ni hian Lalmânga nu hian hria in, a thahnem ngaiin 'Lâwm' a ruai ta niin an ngai thin.

Lalmânga nu hi hriat dan angin, hmeichhe awmherh deuh ânga sawi a awm ve a; tlangval a mutpuite chu hemi ni (June ni 21) ah hian a ruai khawm thin, an ti a. Mahse, Lalmânga pa erawh hi chu, Thlanrâwn lal ropui tak Chawnglula a ni a. Lalmânga pian lai tak hian Chawnglula chu Ralte hovin an man lai kha a ni a. A tan rei zawng hi phiang (behliang) kum, kum 3 tih a ni a, phiang kum chu Zahau ramah kum thum dana vawi khat awm ziah thin a ni a, kum 9 lai a tang a nih hmel a.

Heta a tan laia piang a ni a, Chawnglula chhiahhlawhte chuan "Hei fapa i nei a, a hming han sa rawh le," an ti a. Chawnglula chuan, 'Lal pawh ka nih tawh loh hi, lal kan mâng zo ta, a hmingah Lalmânga ka sa e," a ti, ta a ni. Mizote thlang kan tlâk chhan pawh hi Thlanrâwn râl kan chelh loh vâng a ni ber a, Zahau hnam pawh hian Thlanrâwn râl hi an chelh lo va, an kha Tlauzawl, tun hnua Tlauhmun an tih tak hi vawi hnih an tiansan a ni.

Zahau khawpui Tlauzawl an tiau laia thlang rawn tla tam tak hi Mizoramah Tlau hnam an inti ta niin Thangtinliana hian a sawi a ni, Mizorama Zahau lal ropui Nikuala pu, Khawkimthanga leh a fapa Khuangcheuva hunah khan Halkha leh Thlanrâwn hnenah dawvan kaiin khaw din an va dil a, an lo phalsak hnuin Rallangah kha a din thar leh ta a.

Halkha leh Thlanrâwn nen inremna an siam tak avângin Rallang kha chu râl nei lo ang a lo ni ta, rei lote chhungin in 300 kha an lo ni ta a, Sailo lal hmingthang, Vuta mantu pawh tan hnuin se sawm thum hui an han tlan ta kha a ni a, Zahau leh Thlanrâwn nen inremna a awm theih nan Zahau kha Zathlir chuan Chawnglula hmei fa Lalmânga chu an khaw lal atan an sawm ta a, Lalmanga chu Zathlir khaah chuan a lal ta a ni.

Zahau rama ram reng reng hi Zahauva leh Khalthanga te insiam rem hun, tuan leh mâng atâng tawh khan Zahau lal ta vek a ni a, a kha leh tuite'n lo an neih manah Zahau khaw tin lal 'lo' chu fûr laiin tha khat, thal laiin tha khat an thlawhsak ziah thin a. Chu chu Zahau tawngin "Lo hlawh" an ti. Tin, Zahau ramah chuan Mizoram angin kum tin lo an vat ve ngai lo va, an lo, "Lo Pil khat" an tih chu kum 3 atânga kum 5 te an nei thin a ni.

Zathlir khaw lal Lalmânga nu, Chawnglula hmei chu a lo fing fal hle a, kum khat chhunga ni rei ber ni tak hian fur 'lo hlawh' thawk turin lâwm a ruai thin a. Chuta tâng chuan June ni 21 hi "Lalmânga nu hlawh rawih ni," an lo ti ta a ni.

Lalmânga nu hian 'Lâwm' a rawihna hmun hi Ngente khawpui, Chawnghawih khaw chhim chhak, mêl khat vela hla, ram zâwl a awm a, chutah chuan a ruai thin ni-a sawi a ni. Hetah hian a lo zâwl hmun 'Lalmânga nu lo zâwl' an tih pawh a awm niin, an sawi.

Pi pute hunlai khân lal hian an lal hlawh hi, an khaw mipui hnên atângin thain an la thin tih pawh kha, Lalmânga nu lâwm rawih thla tiin, an lo sawi nual tawh baw k a. An lal hian kum khatah tum hnih an khaw mipui tha an ruai khâwm thei a; thirdêngin tum khat an ruai thei baw k, tia ziah a ni baw k.

Hmanlai pi leh pute khan "Fathang" an khawn thin lai khan Lalmanga nu khan khawvel hmar lamani rei ni ber hi, a hre tawh reng em tih hriatpui a har tawh hle.

Eng pawh chu lo ni se, June ni 21 ah hian Lalmânga nu tân lâwm rawih chi a ni lo; lâwm chu thâ véka sût leh a ngai. A lal hlawh, a khaw mipui laka thâ a lâk thin chu, hemi ni hian la in, mipui thâ a ruai khawm zawk a ni.

Chuvângin, Mizorama Mizote'n June ni 21 hi "Lalmânga nu lâwm rawih ni," kan lo ti ta pawh hi a mak em em hran lo va, tawng kalphung dik tak angin, 'hlawh rawih ni' an lo tih âiah kan lo hmang ta niin a lang. Zahau ramah chuan "hlawh rawih ni" tih an hmang a, a dik tho baw k. Hetianga thil thuhmun reng, a hmun a zira sawi dan inâng lo, hnam khat tawng chin dan bik hi Linguistics tawngkam chuan "dialect" an ti a ni.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpua Ralte

Circulation Managers: PB Lalhupazauva, Samuel Lalhlupua, Hmingthanzuala, Vanlalrinkima, R. Zodinsanga,

Zothankhuma, Lalrinchhana, K. Lalmuanpua

ZIN & HAW

- Pu C. Lalremruata, BECM te nupa, chhungkaw thil a khawchhak lama zin chu an lo haw leh ta.
- Ni. Rosiamliani, K-Sec. c/m, thil pawimawh buaipui a Mumbai-a kal chu a lo haw leh ta.
- Pi Vanngurpuii te chhungkua, V-Sec. chhiat tawhna thil a Mualcheng a zin chu dam takin an lo haw leh ta.
- Pu Lalchhanhima te chhungkua, K-Sec. chhiat tawhna thila E. Phaileng a zin chu an lo haw leh ta. An rual a kal ve Pi Chhuanmawii w/o Pu Kawlthangpuia (Fam) leh Pi Zaluti, K-Sec. te pawh an lo haw.
- Ni. Lalrempuii Varte d/o Vanlalfaka, N-Sec. chu a hnathawhna hmuh Keifang ah a kal leh ta.
- Lalrorela Ralte s/o VL Pianruala, N-Sec. college thil a Maite a zin chu a lo haw leh ta.
- Ni. Lalthanzami d/o Lalbiakdawla, N-Sec. chu Lunglei Road Sub-Division III ah a hna thar zawm turin a kal.
- Pu Lalrothianga, S-Sec. chu Delhi ah in check-up turin a kal.
- Tv Laldhawma Zote, S-Sec. a hnathawhna hmuh Phullen lam atanga chawlh hmanga lo haw chu a kal leh ta.
- Ni PC Lalenpuii, S-Sec. chawlh hmanga lo haw chu a hnathawhna hmuh Khawruhlian lamah a kal leh ta.
- Pu K. Kamliana, S-Sec. Khuangleng Pastor Bial Golden Jubilee hmanga kal chu a lo haw leh ta.
- Rose Lalbeiseii Hnamte m/o V. Lalruatkimi, T-Sec. chu Kolkata ah in check-up turin an kal.

KOHRAN

- **Baptist Kohhran:** BSI, Aizawl North II Annual Meeting Vawi 25-na chu June ni 21 (Pathianni chawhnu leh Zan Inkhawm) hian BCM, Ramhlun North Kohhran in an thlang ang.
Vawiiin June ni 20 (Inrinni) zing khan Kohhran Committee Meeting neih a ni a. Bial programme, lehkha hmuh hrang hrangte bakah thu pawimawh tak tak rel a ni.
- **Salvation Army:** June ni 21, 2026 (Pathianni) hi Pate Ni (Father's Day) a ni a, Thianghlimna Inkhawmah Biak Inah Corps pumhuapin hun hman ani ang.
- **Presbyterian Kohhran, Ramhlun East:** Hmawngbu Branch KTP ten kumin Presbytery Inkhawmpui an thlen tur den chhena an sum tuakna Theihai, Kohhran Pavalai Pawl ten an zawrh sak, tlawmngaia leisak tu vengchhung mipuite chungah lawmthu an sawi a ni.
- **Roman Catholic:** Catholic Thalai Pawl Group Sports neih mek a ni a, ni 13.06.2026 zan khan tan niin ni 19.06.2026 zan khan Kohhran Hall ah chhuzawm leh a ni. Ni. 20.06.2026 khan KV Futsal ground, Durtlang ah Sports hi neih chhuzawm a ni a, closing erawh thla leh Group Nite lamah hian neih an tum.

DAMLO

- F. Lalbuanga, V-Sec. chu LRM Hospital-ah enkawl mek a ni.
- Pi Laltlanzovi w/o C. Lalchhuansanga, T-Sec. chu Civil Hospital, Aizawl ah enkawl mek a ni.
- Pu Lalfamkima, C-Sec. chu Ebenezer Hospital-ah enkawl mek a ni.
- Pi Salemthari, N-Sec. chu Synod Hospital-ah enkawl mek a ni.
- Pu Joseph Ngursailova, S-Sec. Synod Hospital, Durtlang a awm chu Nazareth Hospital, Chaltlang ah enkawl chhuzawm tura sawn a ni.
- John Hluzuala Darngawn s/o H.D Ngurhrama, S-Sec. chu Pneumonia avangin ZMC&H ah enkawl mek a ni.
- Pi Lalnunpuii w/o K. Neihkapa, K-Sec. Synod Hospital, Durtlang a awm chu in lamah in enkawl chhuzawm turin a lo chhuak.
- K. Liansangzela s/o K. Vanlalrova, N-Sec. Synod Hospital, Durtlang-ah a ke zai chu in lama in enkawl chhuzawm turin a lo chhuak.
- Pu Lalramliana Sailo, T-Sec. chu an inbul step ah thu sual in a ke a tina a, in lamah enkawl mek a ni

SPECIAL INTENSIVE REVISION (SIR) 2026 CHUNGCHANG
Mizoramah Electoral Roll Special Intensive Revision (SIR) kalpui mek a ni a. Ramhlun North huamchhunga Electoral Roll a chuang mekte chu bialtu BLO ten Enumeration Form an rawn sem mek a. Electoral Roll a mahni awmna part huamchhunga chenglo te chuan mahni bialtu BLO te hnenah ngaihven tur a ni e.
Electoral Roll a thar buatsaihna atana Enumeration Form (EF) theh lut lote chu Draft Electoral Roll ah an chuang dawn loh avangin mipuiten i ngai pawimawh theuh ang u.
Special Intensive Revision kalpui dan tlangpui:
1. Enumeration Form (EF) theh lut hun tawp : 28/06/2026
2. Draft Electoral Roll chhuah hun : 04/07/2026
3. Filing Claims & Objections : 04/07/2026 - 04/08/2026
4. Publication of Final Electoral Roll : 06/09/2026

HRIATTIRNA
Pu Samuela s/o R. Laldailova (L), Ramhlun North veng hminga LSC No. AZL 1950 of 1985, Location: Ramhlun North. Pass neitu Pu Samuela s/o Laldailova (L) hian tibova rawn insawiiin Re-issue a rawn dil a. A dil anga tihsak a rem lohna chhan engpawh hria chuan chanchinbu a chhuah atanga ni 30 ral hma ngeiin a hnuai address ziak ah hian hriattir tur a ni. Hetiang a LSC thar pek chhuah leh a lo nih chuan LSC hmasa chu cancel nghal a ni ang.
Sd/- Assistant Commissioner (Revenue)
Aizawl District: Aizawl South (1-1)

KEIMAHNI

- Circulation Manager atan Pu Isak Lalrinawma, K-Sec. chu ruat thar niin Tv. Zothankhuma bial thin, K-Sec. zawng a bial dawn a ni.

LOCAL COUNCIL

- Ramhlun North AMC Road, Pu F. Lalbula In bul Junction drain & Cross drain chu siamthat a ni a, Drain hi a char hmian motor pakhatin a rawn rap nghal pang mai a, a pawihle. Cement concrete hi a la char tha lova, Four Wheeler a kal ten drain hi rah loh tawp tur a ni. Helai kawnga lir theia kal thinte fimkhur turin kan in ngen e.
Industry peng luikawrah kuhva khehna thethla thin kan awm a, heihi chin tawh loh tur a ni a, ti chhuzawm kan awm chuan action lak a ni ang.

THILDANG

- **Urban Health & Wellness Centre:** Ramhlun North Urban Health and Wellness Center-in an mamawh em em, damlo te examination table a lawn kaina tur Pu C. Lalhuliana, N-Sec. chuan a siamsak a, UH&WC staff ten a chungah lawmthu an sawi mawlh mawlh a ni.
- **Ramhlun Sub-Centre:** Ramhlun sub-Centre-ah hian Ayush Doctor nitin dar 10:00 AM - 2:00 PM a thu thin a, a rawn duh leh pan duh tan a pan theih reng a ni.
- **Ruang chhuak:** Lalchhungi, K-76 chu ni 15.06.2026 dar 3:45 PM khan Agape Hospital, Chanmari ah a boral a, a ruang hi Pu Lalchhanhima, K-Sec. te inah chawlhpuia a nih hnuah an khua E. Phaileng panpui a ni.

LAWMAWM

- Vanlalawmpuia leh Lalnunmawii te nupa N-Sec. te chuan ni 09.06.2026 khan Synod Hospital, Durtlang ah fanu an nei.
- Er. Andrew Lalmalsawma s/o Francis K. Sungte C-Sec, Dte of Land Resources, Soil & Water Conservation Department ah Deputy Director (Planning) ah a kaisang.
- Dr. Lalremruata, V-Sec. leh Vanlalminghlui, Ramhlun South te chu ni 19.06.2026 khan Ramhlun North Presbyterian Kohhran Senior Hall-ah an innei.

AROMA UNISEX SPA
Therapist: 'Certified & Trained by Founder. Specialized in Pain Relief Therapy'
Kum 17 lai experience nei tawh.
Sweden leh Australian mi te hnen atanga zir chhuak. Taksa na leh kham, ban phar tha thei tawhlo, kawng na, dar na leh kham. Lu na benvawn nei. Nerve thalo leh Sciatica vanga harsatna nei te tan. Pan theih reng kan ni e.
Ramhlun North Industry Peng bul, SBI Bank hnuai chiah. Call/WhatsApp: 8794752295



ARTICLE

KHAWVÊL INDOPUI 3-NA

- Msa Khawlhing, K-Sec.

Kan chenna hmun hi a ram a la tha a. Thing leh mau, hruinhâng chi tinrêng, kâwihruì leh vawihuihruì chenin a la tam a. Lei lah chu a hnâwng chap reng a, sadâiêk leh hnahtel ÷awihthe pawh chuan lei an ti÷ha a. Keini ho hi hnim hring eia nung kan ni. Tui kan in leh bawk tih mai loh chu han engto vak tûr awm hek lo. A ÷hente erawh chu theirahte chu châwah an ring bawk a. Amaherawhchu kan mamawh kan chaw ei tûr leh chenna ÷hin suasam a ni kumtin mai hi chu, kawng zawh huai hawt ve mai a châkawm, chu erawh mumang ram mai a ni.

Râltitna hmun: Lungmuang lo leh râlti rêng rêngin hun kan hmang a. Kan zalên lo hle, kan sa ei tuma min veh rengtû an lo awm bawk nê. Min tihchhiat tum, min ei zawh vek pawh pawti lo hmêlma hi kan ngah a nia. Ramsa dang mai bâkah mihring chenin an hmanhlel nia. Tu pawti mah kan sawi lo asin maw le. Kan "bedroom" leh "sitting room" nuam ber berte pawh min tihchhiatsak an pawiti lo, Pathian anpuia siam ni zâwk sîte hi âw ! An va ngeiawm tak êm!

Silai a puak tâ: Ri dur thâwm a vâng chuan kan tlanhhia a, mahni sahimna zawngin hmun him lam nia kan hriat lam chu kan pan. Thaw hlawp hlawp chungin kan thleng thei hrâm. Nautei chuan, "Ka nu, khawiah nge kan kal dâwn? Kei chu helai ram hi chhuahsan ka hreh ê," a ti a. Kei chuan, "Bawihthe, kei pawh ka hreh khawp mai, mahse kan chhuahsan vat loh chuan hêng lai rama pasal÷ha (keini tân chuan pasal÷ha pawh an ni lo) silai kengte hian min that chimit vek mai ang, an sual a nia, an pawti kan sawi azeng pawh a ni si lo," ka chaw ÷hial sawk sawk pah chuan ka lo ti a.

"Ka nu, thi mah ila ka pawti lo, kan pi leh pûte (ramsa) chenna ram hi ka chhuahsan dâwn lo," a ti ta tlat mai... Chutih lai chuan khua a thim dâwn tawh a, rei vak lovah khua chu a thim ta a. Chu lai ram ngaw dur khup mai chu kan ÷hian dangte pawh chuan chhuahsan an hreh ngang mai a. Theirah chitin rêng, hmin tûarh mai te pawh chu tûma khawih lohvin an rah nghêk nghûk a. Kan hnianghnâr asin maw lê.. Tu nge vêngghim tâ ang le?

ISIS - 'Indona, Suahsualna, Inphilna, Satanic act' em ni?: Chutia kan awm lai chuan silai a puak leh ta dur mai le, KHAWVÊL INDOPUI 3-na a chhuak tâ. Puii (keipui) chu kâ pawh chhawn lovin hmêlma SILAIMÛ avâng chuan a fâm tâ, a bekah tak mai an kâp fuh a, a lehlamah a tlang zawk mai, a nula ÷an ve tawh asin le, a va pamhmâi em! A biling a balangin kan tlan chhia a. Chutah silai a puak leh, Buangi chu an thal leh tawp mai..(sakhi lâ) Nulâ hre rual a ni ÷an tawh asin maw le âw, ani pawh lê, kan lainat vek mai.

Ramhnuai a ruang ÷awih ral mai tûr chu a va'n pamhmâi êm! ISIS ho nunrâwn dân chu âw, in la hre dâwn khawp. Ka fapa kum 10 mi nê chuan theih anga chakin kan lîm a, mittui tla chungin chulai ramngâw kan hmangaih em em chu ÷ap pûr chungin kan chhuahsan tâ a. Kan kalna lam tûr pawh hre lo vin kan vakvâi chu a ni ta mai. Hma khaw sâng, ÷uan leh mâng atâ tawh, khawizû leh hnute tui luanna ram ni ÷hin kha chhuahsanin ram ro, ram ruak, thihna hlimkawr ruam chu kan pan mêk a ni si a.

Tunah chuan: Kum tam a vei a, tûn hi kan thleng tâ, chung lâia ramsâ (damsa ti kher te'ng) chu hmuh tûr an awm tawh lo, anni zawng vaivutah an chang zo tâ.

SHEBAH TUI

Tui thianghlim chawi tûr a awm reng e. Rs 0.12/ltr.

Leitan Ramthar Zuangtui Road.

60096 84085/8119865717

(5-4)

BOARD EXAM

Regular class kal hman lo te tan Class X leh XII kumin October (2026) exam duh tan offline exam (NIOS) leh online exam (BOSSE) hnuaiah admision hawn mek a ni. Nakkum April 2027 Exam duh tan pawh admision hawn mek a ni. Fee hi installment in a theih e.

Contact: 8837052293,8575287058

(4-4)



ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327

(10-2)

TLUANGTEASEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350

(10-4)

MAFELASEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125

(10-4)

PUIASEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: Inbiakremna Ph: 6909266562

(10-9)

SAWMASEPTIC TANK SERVICE

Septic Tank khat paih fai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364

(10-7)

VANCHHAWNGSEPTIC TANK

Septik tank khat englai pawh in kan paih fai thei a, repair, commod block, pippe block kan siam thei bawk e,

Rate: Inbiakremna Ph. no: 9615458679

(10-7)

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077

(10-6)

VANLALFELASEPTIC TANK

Septic tank paih fai, commode block, pipe, soak pit ÷ha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e.

Contact: 9436199884

(10-6)

L.H. SEPTIC TANK SERVICE

Septic tank paihfai leh repairing engkim kan thawk thei e.

Kum 17 chuang experience nei kan ni e.

Rate: 4500/- per trip

Ph.: 6909183193

(10-5)

KHIANGTE SEPTIC TANK SERVICE

Septic Tank khat paihfai, khur chung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.

Contact - 9862344971 Bawngkawn South

(10-6)

JM SEPTIC TANK SERVICE

Septic tank khat paih fai, comode block, pipe fit, soak pit ÷ha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna.

Registration: MRS 542

Contact: 9862476439

(10-4)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047

(15-4)